

ЛЕНИН'Я

ВКП(б)-лэн УАССР-ысь Вавожской райномезлэн но райсоветлэн органы

1940 аре
четверг
5 сентябре
№ 55 (575)

8-тй арзэ потэ

Хлебопоставкаен жегатсконо өвёл

Районыстымы азьмынйсь колхоз'ёс ю октон-калтонлэн вырысь нунал'ёсаз ик государстволы ю тысь сётон борды кутскизы. Та колхоз'ёслэн кивалтйсьёссы жеч-жеч валазы государстволы дыраз ю тысь сётонлэсь значенизэ. Соос уезе шонер рад'яса, паскыт фронтэн кутскизы кутсаськон борды.

Макарово, Пужмонл, Георгиевск колхоз'ёс государство азьын кемалась расчитаться каризы ни. Татын вал но адыми кужымеу умой сочетать карыса, вань уж'ёсты чёш нуизы.

Котькуд колхоз'ёслэн вань луонлык'ёссы государстволы ю тысь сётонз дыраз быдэстыны, нош куд-ог колхоз'ёслэн кивалтйсьёссы та уезе нырысетйен уг лыд'яло. Тужгес ик государстволы ю-нянь сётонэн бере кылё Водзимонье, Н-Бия но Ст-Монья сельсовет'ёсысь колхоз'ёс.

Ст-Монья сельсоветысь Чурилово колхоз государстволы ю тысь тыронзэ арысь-аре уг быдэс'я. Туэ но татын антигосударственной практика шёдиське. Колхозлэн председателез Чирков хлебопоставкаез тырон борды кутскылытэк 12 центнер ю тысез колхозник'ёслы трудоденья люкылз. Та сельсоветысь ик „Заря“ но „Покровка“ колхоз'ёс вал өвёл, яке эшшо кыче ке му-

кет муг шедьтыса ю тысь сётонзэс юри жегато.

Таёе антигосударственной практикаез, кудйз вуттэ хлебопоставкаез куашкатон калэ жегатскытэк выжыеныз ик быдтоно.

Озы ик МТС-ёслэн ужамзы понна натуроплата тыронзэ обязательной ю-нянь сётонэн чёш ик образцово организовать кароно. Нош та уж чидантэм урод мынэ.

Натуроплата тыронлэн быдэсмонзэ МТС-лэн колхоз'ёсын лэсьтэм договорезлэн быдэсмонэныз герзаськемын. МТС колхоз'ёсын ужаны пус'ем планзэ дз ке быдэсты, натуроплаталэсь планзэ синтоз. Тйни та уж понна но нюр'яськон кулээз'я уг мын. Вавожской МТС-лэн 2 тракторной бригадаез (бригадир Гулящих) Лыстем колхозын 70 гектар гинэ гыриз, план'я 220 гектар интые. Таёе уж'ёсты-а натуроплаталэсь планзэ быдэстон понна нюр'яськон шуод.

Котькуд колхозлы государстволы выльи качествоё ю тысь сётонэ. Али вань вал кужымеу хлебопоставкаез быдэстонэ переключить кароно.

Котькуд колхозлэн но колхозниклэн али задачаеныз луыны кулэ сельхозпродуктаосты сётонзэ Удмуртилэн XX ар тырмон годовщинаез азелы быдэстон понна нюр'яськон.

А. Е. Лескова колхозница-стахановкалэн мировой рекордзэ

Вологодской областысь, Междуреченской районысь „Буденновец“ колхозлэн свинаркаез, Всесоюзной сельскохозяйственной выставкалэн участницаез, Александра Евгеньевна Лескова стахановской движенилэсь вить ар тырмонзэ парсь вордон улысын рекорд пуктыса пумитаз.

Колхоз фермаын со „Ялта“ нимо мумы парсь будэтйз. 1939-тй аре, 30-тй августэ, „Ялта“ 14 парсьпи ваиз, 1940 аре, 18-тй февралэ 17 парсьпи ваиз. Кылем арлэн пумаз Лескова эш обязательство басытйз: 1940 аре, 30-тй август азе, одйг мумы парсьлэсь арлы 4 тонча парсьпиоссы будэтыны. СТФ-лэн зведующиез Корюкиналэн, Золоткова зортехниклэн но Короткова свинаркаослэн юрттэмзы, Лескова эш парсьпиоссыз

будэтонын бадзым вормон'ёс возьматйз.

30 тй августэ солэн обязательствоезлэн быдэстон дырез вуиз. Лескова эшлэсь ужзэ эскерон понна чукна выставочной городокыи возматны ваем пудоез но тылобурдоосыз дун'ян'я эк. перт'ёслэн советсы лыктйз. Советлэн заседаниез ортchon интые сюэн колхозник'ёс но пудо вордонлэн специалист'ёсыз люкэськизы. Татын Лескова эшен будэтэм парсьпиоссыз мертазы

„Ялта“ мумы парсьлэн одйг ар куспын будэтэм парсьпиоссызэн весез 4754,7 килограммы вуиз.

Пудо вордоньсь советской специалист'ёсаз ю ученой'ёслэсь кылдытэм экспертной совет Лескова колхозницалэсь вормонзэ мировой рекордэн луэ шуыз. (ТАСС).

Азьмынйсьёслэсь пример басытоно

Г-Пудгинской сельсоветысь азьмынйсь колхоз'ёс нимыстыз ик вис'ясыкыса ужало государстволы ю тысь сётон планзэс быдэстон бордын.

Тани „Дерябино“ но „Георгиевск“ колхоз'ёс 4 сентябре государстволы ю тысь сётон планзэс 100 процентлы быдэстыны. Та колхоз'ёслэсь бере уг кылы „Логиновский“ колхоз но. Татын государстволы ю тысь сётон план 80 процентлы быдэстамын.

Та колхоз'ёсын етйн вёлдон уж но дыраз быдэстамын. Умой мынэ кутсаськон но.

Кутсаськон но арам юез кабанэ люкан бордын мылыськыдысь ужало „Бабушкино“ колхозысь колхозник'ёс но колхозницаос. 57 арес'ем колхозница Логинова Пелагия культэ ворттонын нуналлы быдэ нормазэ 115—120 процентлы быдэс'я. Колхозлэн председателез Вагин эш колхозной производствон ачиз пример возьматыса ужа.

Таин чёш ик вератэк кельтыны уг луы „Дендывай“ колхоз сярысь но, кытын председател луыса ужа Коротаев эш. Татын колхозник'ёс пёлын трудовой дисциплина лэб пуктэмын. Татын тужгес каллен мынэ кутсаськон уж. План'я 45—50 центнер кутсан интые 20—25 центнер гинэ кутсало.

Колхозник'ёс пёлын урод пуктэмын массово-раз'яснительной уж но. Колхозлэн бригадирез Торхов Е. колхозник'ёс пёлын трудовой дисциплинаез юнматон интые, сое ачиз тйя. Аслэстыз кышнозэ колхозэ ужаны лэзьытэк уен-нуналэн кумышка пукытыса возе. Нош со събры мукетыз колхозницаос но уиско. Та урод уж'ёсты быдтон понна колхозлэн председателез Коротаев эш чик уг скулмаськы. Соин сэрэн мукет уж'ёс но татын бере кылё.

П. Тюлькин.

Государстволы нянь тыронзэс быдэстыны

Б-Докбинской сельсоветысь, Ст-Баян, „Советский“ колхоз'ёс 30 августэ государстволы ю-нянь тырон планзэс 100 процентлы быдэстыны.

Та нунал'ёсы государстволы нянь сётонзэ „Бобровский“, „Совет“ колхоз'ёс но быдэстыны ни.

К. Зайцев.

Кутсаськонэн лэб кивалто

Лыстемской сельсоветысь Лыстем колхозын кутсаськон лэб мынэ. Колхозлэн председателез та уж борды но кыче саклыкэс уг вис'я. Татын туннэ нунал азелы 700 га вылысь октэм калтэм ю нянь кутсамтэ на.

государстволы ю нянь сётон'я но. План'я 950 центнер сётон интые 444 центнер гинэ сётэмын.

Татын нимыстыз ик бере кылемын уж етйн вёлдон'я. 23 гектар вылысь кутсам етйн туннэ ке но вёлдымтэ на.

Колхоз озы ик бере кыле


Ст. Зубарев.

Прогульщик'ёсын уг нюр'ясько

Н-Биинской сельсоветысь „Н-Валодор“ колхозысь кудогез колхозник'ёс бригадир'ёслэсь наряд'ёссэс уг быдэс'яло. Ысто соосыз бригадир'ёс кыче ке уже, нош соос ужлэсь аналско, яке мукет уж куро. Колхозлэн членез Гуцин М. ю октон-калтонлэн

пёсь дыраз производствонн мылыз потэм'я гинэ ужаз, уже оло кёня пол дз пота. Озыте ке но колхозлэн председателез Гуцин прогульщик'ёсын мириться кариське, прогул'ёсты палэнтон вылысь но кыче ужрад уг куты.

А. Востриков.



Советской Латвилэн муз'емез тракторен гыриьке.

ТАСС-лэн Фото-Клишеез.



Комбайнер Рахим Юсупов но солэн кышноез комбайнерлэн юрттисез Зубарят Юсупова (Кандринской МТС Башкирской АССР). Юсупов'ёс списать карем вуж-Коммунар-комбайнлэсь пбсьтэм частьё-сэ реставрировать карыса но тупаг'яса котькуд нунал 20—25 гектар выльысь чабей арало. Фотоез В. Башкировлэн. (ТАСС-лэн Фото Клишеез)

Выль активностен

Нырысетй сентябре Г-Пудгинской территориальной первичной комсомольской организации отчетно-выборной собрание ортчиз. Собрания комсомольской организации ужамез сярсь отчетной докладэн выступить кариз Д. Кузьмин эш.

Кузьмин эш аслаз докладаз пусйиз, что та берло толзэ-ёс кустын комсомольской организация унолы будйз. Уноез комсомолец'ёс колхозной производстоын умой ужало. Тани, Щеткин В. эш нуналлы быдэ ужан нормаосэ мултэсэн быдэ'я. Со политической тодонлыкэс бюджетон бордын но умой ужа.

Ас бордаз умой ужа озы ик Морозов эш но. Соос „Асьмелэн родинамы“ книгаез изучать каро.

Тани 40ш ик Кузьмин эш тырмымтэос сярсь но вераз.

Комсомолец'ёс пблын дисциплина куашкамын. Куд-огез соос комсомольской порученности уг быдэ'яло (Щеткин Ю. Щеткин Поликарп). Шимова Марфа агитаторен быр'емын вал, нош со партияльсь но правительстволэсь берло поттэм решениоссэ колхозник'ёслы уг влэкты.

Пренин 6 мурт вераськызы. Морозов С. эш ас выступленияз вераз, что комсомолец'ёс пблын но кыче культурномассовой уж уг адзиськы, озы ик ВКП(б) лэсь историзлэсь краткой курсэ изучать каро чидантэм ляб пунктэмын.

Собрание выль идейно-политической уровеньын ортчиз. Комсомольской организации комитетэзлэн секретареныз азымынсь комсомолка Новокшонова эш быр'емын.

Т. П.

МТС-лы туэ арын умой ужаны, план'ёссэ быдэстыны понна бадзымесь луонлык'ёс вал. Нош со луонлык'ёсты использовать ёз кары. Соин ик ужан планзэ 55 процентлы сяна ёз быдэсты. Ляб ужамлэн мугез нырысь ик дисциплинаез юнматымтэ бордысь потэ. Кылсярьсь, 6 но меро тракторной бригадалэн бригадирез комсомолец Семакин бригадаеныз кулэез'я кивалтэм интые трос дыр'я бригадаяз бер потаз. Таче ужез шбдыса тракторист'ёс ужатэк простой лэсьтылйзы. Соин ик Семакинлэн бригадаез арлы тупатэм планзэ 50 процентлы сяна ёз быдэсты. Нош Лыстем сельсоветысь колхоз'ёсын ужась бригадалэн 3 тракторез тулыс ю кизён кампания дыр'я кыкез трактор'ёс ужатэк сылйзы.

Тракторной бригадасын политмассовой уж нуонэн МТС-лэн директорезлэн политчастья заместителез Вешняков эш ляб кивалтйз. Огшоры-а ма тракторист'ёс пблын ужан дисциплина кылямын.

МТС-ын ужась тракторист'ёслэсь ас сяменызы ужысьтызы кошконзэс дугдытон сярсь СССР-лэн Верховной Советэзлэн Президиумезлэсь Указзэ вань тракторист'ёслы валэктйллямтэ. Тракторист'ёс пблын ужысьтызы ас сяменызы кошкон'ёс али но

быдтымтэ. Кылсярьсь, Юшков нокинлэсь юатэк-вератэк ужзэ куштйз но 10 нунал Сарапул городын улйз. Со судебной ответственность улэ кыскемын.

МТС-лы планзэ быдэстыны понна али но трос лэсьтыны луысал на но МТС-ысь кивалтйсьёс со понна ёжыт саклыкэс вис'яло. Б-Докья сельсоветын трактор'ёс кыктэтй нуналзэ сыло ини. МТС-лэн директорез Обухов тракторист'ёсты Малиновка колхозэ мыныны косиз вал. Колхозлэн председателез Иванов „горючей нуллыны вал ёвёл“ шуыса кын улэ гыронзэ аналтйз.

Районысьтымы азымынсь колхоз'ёс, сельсовет'ёс аранзэс быдэстылйзы ини, нош МТС-лэн 6 комбайн'ёсыз али но умой-умой ужаны ёз кутскылэ на. Одыг агрегат но 150 гектарлэсь уно ёз окты-калты на.

Таче ик уж сложной молотилкаосын но. Кутсаськонь норма уг быдэ'ясыкы. Тани Лыстем колхозын нуналлы 3—4 тонна сяна уг кутсалляло, нормая 12 тонна интые.

Та факт'ёс верало со сярсь, что татын тракторист'ёс но комбайнер'ёс пблын ляб пунктэмын трудовой дисциплина. Ужлэсь производительностьэс жутон понна нюр'ясыкон уг мыны.

Р. Мих.

Арнялэн кылдэмез

Асьме странама арня нуналэ шутэтскон нуналэн сизьым нунал'ем ужан арняе выжиз. Тазы выжон народной хозяйстволэн интерес'ёсыныз вызвать каремын; асьме родинамылэсь оборонной но хозяйственной мощьсэ эшшо но юнматыны кулэен. Со сяна, городын но гурт'ёсын трудящойёслэн шутэтскон нуналлы 40ш уг тупа вал, городын шестидневка существовать кариз, нош гуртын—арня нуналэ шутэтсконэн, сизьым нунал'ем арня.

Осконтэмез ик ёвёл, церковник'ёс, сектант'ёс но соослэн агентуразы сизьым нунал'ем ужан арняе выжонзэ религиялы уступлаен лэсьтэмын шуыса валэктылыны тыршылозы. Соос котьку но арнялы религиозной значение сётылйзы, арня нимарен кылдытэмын шуыса, кудйз, пе, куать нуналын мирез кылдытйз нош сизьыметй нуналаз шутэтскыз...

Кытысен арнялэн кылдонзэ потэ?

Арня улсын обыкновенно тодо дырлэсь кусыпсэ, кудйзлэн кусыпыз пбртэм выжы калык'ёслэн пбртэмесь. Африкаысь негритянской выжы калык'ёслэн арнязы 3 нуналысен 8 нуналозь луэ. Вить нунал'ем арня Мексикаысь но Скандинавияысь калык'ёс пблын ёвлмемын вал, но кема возиськыз Индийской океанлэн остров'ёсаз улйсь калык'ёс пблын.

Маин арнялэн кыстйськемез определяться кариське? Трос дыр'я кусыпаз одйг базарысен мукет базарозь. Куд-эг африканской выжы калык'ёслэн (Конго), древней Италияны этрус выжы калык'ёслэн вераськоназы—одйг кыл'ёс ик „базарез“ но „арняез“ но вошто.

Обменноторговой характерлэн муг'ёсыныз 40ш арнялэн кылдэмез мукет муг'ёсын но валэктйське.

Вавилонаын но Ассирияны лунной календарь установить каремын вал, кудаз основной единицаен ляд'ясыкыз толзэ,

яке кык новолуниослэн кусыпсы (29,5 сутка). Толзэньлы локетлы люкылйськыз. Озы кылдйз 7 сутка ёрослы дыр'ёслэн единицаоссы.

Собере та дырлэн естественной кусыпезлы религия особой „священной“ значение сётйз. Древневосточной религияосын ёвлмэтымын вал небесной светилаослы вбськыкон. Вавилонской жрец'ёслы 5 планетаос то имо вал. Древней калык'ёс, планетаос лядэ ляд'яллызы шундыез но толзез, озы тини ваньмыз сизьым главной светилаос луылйз, куд'ёсыз возматом сизьым нуналэз.

Асьме летоисчисленилэн II-тй веказ сизьым нунал'ем арня Римской империяны ёвлмиз. Арнялэн нунал'ёсыз планетаослэн нимынызы нимамын вал, нырысетй нунал шундылы посвятить киремын вал.

IV векын, ку христианской церк господствовать карыны кутскыз, „Шундылэн нуналыз“ „воскресеньелы“ переименовать киремын вал.

Восточной Европаысь но

Азияысь калык'ёс арнялэсь нунал'ёссэ порядок'я рад'яны кутскизы. Славян'ёслэсь сизьым нунал'ем арнязы „седьмица“ шуыса нимасыкыз. Нырысь нунал „арня вал“, яке ужантэм, шутэтскон нунал. Та нунал XIII векусен, церклен настоять каремез'я великоросс'ёслэн „воскресеньелы“ воштэмын вал, арнялэн нимыз быдэсак „седьмицалы“ воштйськыз. Белорусс'ёслэн но украинец'ёслэн шутэтскон нуналзы та дырозь старославян'ёс сямен „неделяен“ нимасыке.

Озы бере, арнялэн „божественной“ кылдэмез сярсь вераськон'ёс поповской выдумкиен луо.

Культяны служительёсыз „воскресеньелэсь“ значенизэ котькыче амал'ёсын поддерживать каро религиозной праздникез сямен со понна, чтооы нимарлы оскисьёсты вильтэммытыны но асьсэ пада биялатыны.

Б. Шаревская.

Отв. редактор
Е. Корепанова.